

**Broj: 13/06-3-11-30-217-1/2024 S.M.**  
**Sarajevo, 25.03.2024. godine**

Na osnovu člana 70. stav (1) Zakona o javnim nabavkama BiH („Službeni glasnik BiH“, broj: 39/14 i 59/22), člana 4. stav (2) Zakona o Poreznoj upravi Federacije BiH („Službene novine Federacije BiH“, broj: 33/02, 28/04, 57/09, 40/10, 27/12, 7/13, 71/14, 91/15 i 44/22) i članova 60. i 114. Zakona o organizaciji organa uprave u Federaciji BiH („Službene novine Federacije BiH“, broj: 35/05), na prijedlog Komisije, direktor d o n o s i

## **ODLUKU**

### **o izboru najpovoljnijeg ponuđača**

#### **I**

Odobrava se izbor privrednog društva „**BUNJO**“ d.o.o. Sarajevo sa sjedištem u Sarajevu na adresi **Alipašina bb (Bare-Šip), 71000 Sarajevo** kao najpovoljnijeg ponuđača u otvorenom postupku javne nabavke „**Usluge servisiranja, popravke i održavanja službenih motornih vozila Porezne uprave Federacije BiH u garantnom roku**“ (Toyota „Yaris“ i „Corrola“), s predviđenim zaključenjem Okvirnog sporazuma sa 1 (jednim) ponuđačem na period od 2 (dvije) godine, na iznos procijenjene vrijednosti javne nabavke, odnosno na iznos **do 18.000,00 KM bez PDV-a** (za vrijeme trajanja Okvirnog sporazuma).

#### **II**

Ponuda ponuđača iz člana I, broj Ponude: 023-2024 od 18.03.2024. godine proglašava se najpovoljnijom u skladu s kriterijem za dodjelu ugovora „ekonomski najpovoljnija ponuda“.

#### **III**

S odabranim ponuđačem iz člana I po konačnosti ove Odluke i ispunjavanju preduslova iz tačke 5.2. i 5.2.1. tenderske dokumentacije zaključit će se Okvirni sporazum na period od 2 (dvije) godine u skladu sa članom 32., a u vezi sa članovima 72. i 98. Zakona o javnim nabavkama, u skladu sa tenderskom dokumentacijom, ponudom, zakonskim i podzakonskim aktima, kojim će se regulisati međusobna prava i obaveze.

Na osnovu zaključenog Okvirnog sporazuma sa odabranim ponuđačem prema ukazanim potrebama će se zaključivati pojedinačni Ugovori u periodu trajanja Okvirnog sporazuma, a kojim će nastati obaveza za izvršenje predmetne usluge.

#### **IV**

Ova Odluka objavit će se na web stranici Porezne uprave Federacije BiH ([www.pufbih.ba](http://www.pufbih.ba)) istovremeno s upućivanjem iste ponuđaču koji je učestvovao u predmetnom postupku javne nabavke, u skladu sa članom 70. stav (6) Zakona o javnim nabavkama.

#### **V**

Ova Odluka stupa na snagu danom donošenja i dostavlja se ponuđaču koji je učestvovao u predmetnom postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2024. godinu, a koji je na Portalu javnih nabavki objavljen u sastavu Plana javnih nabavki Federalnog ministarstva finansija - financija pod rednim brojem: 11. (usluge), Odlukom direktora Porezne uprave Federacije BiH broj: 13/06-3-11-30-217/2024 od 21.02.2024. godine pokrenut je otvoreni postupak javne nabavke usluga „**Usluge servisiranja, popravke i održavanja službenih motornih vozila Porezne uprave Federacije BiH u garantnom roku**“ (Toyota „Yaris“ i „Corrola“), s predviđenim zaključenjem Okvirnog sporazuma na procijenjenu vrijednost predmetne javne nabavke u skladu s članom 4. stav (5) i (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) sa jednim ponuđačem na period od 2 (dvije) godine, ukupne procijenjene vrijednosti do 18.000,00 KM bez PDV-a.

U skladu s članom 16. Zakona o javnim nabavkama predmetni postupak javne nabavke nije podijeljen na LOT-ove jer isti ne može biti predmet daljeg dijeljenja unutar iste grupe i istog CPV koda za predmet javne nabavke, te ne bi bilo svrsishodno u konkretnom slučaju.

Za predmetnu nabavku predviđeno je zaključenje Okvirnog sporazuma sa 1 (jednim) ponuđačem na period od 2 (dvije) godine, a u skladu sa članom 32. stav (1) Zakona o javnim nabavkama.

U skladu s članom 14a. Zakona o javnim nabavkama prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata o svojim planovima i zahtjevima u vezi s nabavkom o čemu je sačinjena pisana zabilješka o svim radnjama i postupcima i uložena u predmet spisa.

Obavještenje o nabavci, broj: 1415-1-2-10-3-38/24 je objavljeno na portalu javnih nabavki 22.02.2024. godine sa Sažetkom Obavještenja o nabavci objavljenim u „Službenom glasniku BiH“, broj: 16/24 od 05.03.2024. godine, u skladu sa odredbama člana 11. stav (8) u vezi sa članom 6. stav (3) i stav (4) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22 od 9.12.2022. godine).

Prema Izvještaju o preuzimanju tenderske dokumentacije od strane ponuđača, tendersku dokumentaciju sa Portala javnih nabavki od datuma objave 22.02.2024. godine, zaključno sa krajnjim datumom preuzimanja tenderske dokumentacije su preuzela 4 (četiri) potencijalna ponuđača.

Za vrijeme objave predmetnog postupka na portalu javnih nabavki potencijalni ponuđači nisu tražili pojašnjenja tenderske dokumentacije do datuma do koga je bilo dozvoljeno postavljanje pitanja na Portalu, odnosno do 08.03.2024. godine, nakon čega je tenderska dokumentacija postala konačna i obavezujuća za ponuđače i Ugovorni organ u smislu člana 101. stav (7) Zakona o javnim nabavkama, obzirom da niti jedan od potencijalnih ponuđača nije osporio ili doveo u pitanje bilo koju odredbu predmetne tenderske dokumentacije u propisanom roku iz člana 101. stav (1) alineja a) Zakona o javnim nabavkama.

Po navedenom Obavještenju o nabavci za predmetni postupak javne nabavke u određenom krajnjem roku definisanim tačkom IV 7. Obavještenja o nabavci i tačkom 4.9 tenderske dokumentacije (18.03.2024. godine do 08:30<sup>h</sup>) blagovremeno je dostavljena 1 (jedna) ponuda u određenom krajnjem roku, i to ponuda ponuđača „BUNJO“ d.o.o. Sarajevo, sa sjedištem u Sarajevu na adresi: Alipašina b.b., 71000 Sarajevo zaprimljena kod Ugovornog organa dana 18.03.2024. godine u 08:05<sup>h</sup>.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 18.03.2024. godine u 09:00<sup>h</sup> (adresa i rok definisani tačkom IV 8. Obavještenja o nabavci i tačkom 4.10 tenderske dokumentacije) i sačinila Zapisnik o otvaranju ponuda koji je uz Zapisnik o zaprimanju ponuda elektronskim putem odmah prosljeđen ponuđaču koji je učestvovao u predmetnom postupku javne nabavke, u skladu sa tačkom 1.3. i 1.4. predmetne tenderske dokumentacije, koje regulišu način komunikacije između Ugovornog organa i ponuđača.

Nakon javnog otvaranja ponude, Komisija Ugovornog organa je pristupila pregledu i ocjeni ponude, te o tome sačinila odgovarajući zapisnik u kojem je utvrđeno sljedeće: da je blagovremeno zaprimljena 1 (jedna) ponuda u određenom krajnjem roku, i to ponuda ponuđača: „BUNJO“ d.o.o. Sarajevo; da nije bilo neblagovremeno zaprimljenih ponuda; da je zaprimljena ponuda ponuđača „BUNJO“ d.o.o. Sarajevo prihvatljiva u skladu s članom 2. stav (1) tačka I) alineja 1) Zakona o javnim nabavkama i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku.

Za navedeni postupak nije predviđeno provođenje „e-Aukcije“ u sistemu „e-Nabavke“ u skladu s članom 4. stav (5) Pravilnika o uslovima i načinu korištenja e-aukcije (”Službeni glasnik BiH” broj: 80/23), obzirom da podkriteriji iz predmetne tenderske dokumentaciju nisu definisani u sistemu e-Nabavke (operativni trošak).

Kako je kriterij za izbor najpovoljnije ponude predmetnog postupka javne nabavke i dodjelu ugovora ekonomski najpovoljnija ponuda, tenderskom dokumentacijom su utvrđeni podkriteriji, kako slijedi:

- Cijena Broj bodova: 70
- Operativni troškovi Broj bodova: 30

Ekonomski najpovoljnija ponuda je shodno definisanim podkriterijima iz tenderske dokumentacije predmetnog postupka javne nabavke i dostavljenoj ponudi kvalificiranog ponuđača, kako slijedi:

**a) Cijena**

Red. broj	Ponuđač	Max broj bodova	Najniža cijena koja je ponuđena u postupku nabavke	Cijena koja je predložena u ponudi koja je predmet ocijene	Broj bodova koji je ponuđač dobio za ponuđenu cijenu
			X	Y	Z1 = (X/Y) x 70
1.	„BUNJO“ d.o.o. Sarajevo	70	18.151,81 KM	18.151,81 KM	70

**b) Operativni troškovi**

Red. broj	Ponuđač	Max broj bodova	Najmanja udaljenost koja je ponuđena/navedene u postupku nabavke	Udaljenost koja je navedena u ponudi koja je predmet ocjene	Broj bodova koji je ponuđač dobio za operativni trošak
			X1	Y1	Z2 = (X1/Y1) x (30)
1.	„BUNJO“ d.o.o. Sarajevo	30	2,2 km	2,2 km	30

Bodovi se dodjeljuju u skladu sa sljedećom formulom:  $T = Z1+Z2$ . Pri čemu je:

T – ukupan broj bodova

Z1 – broj bodova koji je ponuđač dobio za ponuđenu cijenu

Z2 – broj bodova koji je ponuđač dobio za ponuđeni operativni trošak

Shodno naprijed navedenom, Komisija Ugovornog organa rangirala je ponudu ponuđača u skladu sa kriterijem za izbor najpovoljnije ponude, shodno podkriterijima definisanim tenderskom dokumentacijom za predmetni postupak javne nabavke, kako slijedi:

Naziv ponuđača/članova grupe ponuđača	Ukupan broj bodova $T = Z1+Z2$	Rang
„BUNJO“ d.o.o. Sarajevo	100	1

Na Obrascu za cijenu ponude, definisan je popis usluga i s njim u vezi glavnih roba za izvršenje usluge, koje će se nabavljati tokom trajanja Okvirnog sporazuma, koje se definiše samo u slučaju okvirnog sporazuma, kada ugovorni organ, zbog prirode predmeta nabavke ili drugih objektivnih okolnosti, ne može unaprijed odrediti niti tačnu niti okvirnu količinu predmeta nabavke, dok će stvarna realizacija zavisiti od stvarnih potreba Ugovornog organa i raspoloživih finansijskih sredstava, te svi ugovori zaključeni na osnovu Okvirnog sporazuma zbirno ne mogu preći utvrđeni maksimalni iznos planiranih i predviđenih sredstava za predmetnu javnu nabavku iz ove tenderske dokumentacije.

Obzirom da nije moguće predvidjeti tačnu niti okvirnu količinu usluga servisiranja službenih motornih vozila Porezne uprave Federacije BiH, maksimalan iznos koji je predviđen za Okvirni sporazum je u visini procijenjene vrijednosti, odnosno ukupna procijenjena vrijednost javne nabavke bez PDV-a za predmetnu javnu nabavku s predviđenim zaključenjem Okvirnog sporazuma sa jednim ponuđačem na period od 2 (dvije) godine iznosi do 18.000,00 KM za period trajanja Okvirnog sporazuma.

Shodno naprijed navedenom, Okvirni sporazum će se dodijeliti na iznos procijenjene vrijednosti, a ukupna plaćanja bez PDV-a na osnovu svih (pojedinačnih) ugovora sklopljenih na osnovu zaključenog Okvirnog sporazuma ne smiju prelaziti procijenjenu vrijednost nabavke.

Članom 4. stav (5) i (7) Uputstva za pripremu modela tenderske dokumentacije i ponuda propisano je da "U izuzetnim slučajevima kada ugovorni organ nije u mogućnosti definisati ni tačnu ni okvirnu količinu predmeta nabavke, onda se određuje maksimalan iznos predviđen za okvirni sporazum sa popisom roba ili usluga koje će se nabavljati, ali da svi ugovori zaključeni na temelju okvirnog sporazuma zbirno ne mogu preći utvrđeni maksimalni iznos okvirnog sporazuma" i da „Ako je odredio okvirnu količinu predmeta nabavke ili predviđenu količinu predmeta nabavke, ugovorni organ mora u tenderskoj dokumentaciji naznačiti da ukupna plaćanja bez poreza na dodatnu vrijednost na osnovu svih ugovora sklopljenih na osnovu tog okvirnog sporazuma ne smiju prelaziti procijenjenu vrijednost nabavke“, a što je u konkretnom slučaju i predmetnoj tenderskoj dokumentaciji ovaj Ugovorni organ i propisao.

Članom 72. stav (5) Zakona o javnim nabavkama propisano je da se prilikom dodjele ugovora uslovi utvrđeni u tenderskoj dokumentaciji i najpovoljnijoj ponudi ne mogu mijenjati. Iako citirane odredbe Zakona o javnim nabavkama govore o ugovoru, iste se primjenjuju i na zaključivanje okvirnog sporazuma, kao mogućeg rezultata provedenog postupka nabavke.

Dakle, imajući u vidu navedeno, a kako je ugovorni organ u tenderskoj dokumentaciji naznačio da će se okvirni sporazum zaključiti na procijenjenu vrijednost nabavke, tada se, okvirni sporazum i zaključuje na procijenjenu vrijednost nabavke bez obzira na ukupnu vrijednost ponuda.

Okvirni sporazum na procijenjenu vrijednost javne nabavke zaključuje se s jednim ponuđačem na period od 2 (dvije) godine računajući od dana stupanja na pravnu snagu Okvirnog sporazuma (dana obostranog potpisa istog) ili do gornjeg praga procijenjene vrijednosti do kojeg Okvirni sporazum po pojedinačnim ugovorima može biti iscrpljen/iskorišten, odnosno do ispunjenja ugovorene cijene iz Okvirnog sporazuma (bez PDV-a), ako se ugovorna obaveza izvrši u kraćem roku od 2 (dvije) godine.

U skladu s članom 64. stav (1) alineja 1) Zakona o javnim nabavkama Ugovorni organ će zaključiti Okvirni sporazum/Ugovor sa ponuđačem koji je ponudio najpovoljniju ponudu u skladu s kriterijem za dodjelu ugovora „ekonomski najpovoljnija ponuda“, a na osnovu ocjene ponude koju je podnio kvalificirani ponuđač u skladu sa članom 65. Zakona o javnim nabavkama.

Komisija Ugovornog organa u skladu s naprijed navedenim, dala je preporuku rukovodiocu Ugovornog organa da nakon razmatranja rada imenovane Komisije razmotri dostavljenu preporuku Komisije i postupi u skladu sa svojim ovlaštenjima iz člana 8. Pravilnika o uspostavljanju i radu Komisije za nabavke ("Službeni glasnik BiH", broj 103/14 i 49/23), primjenom člana 64. stav (1) alineja a) Zakona o javnim nabavkama u skladu s odredbama člana 70. Zakona o javnim nabavkama donese Odluku o izboru najpovoljnijeg ponuđača „BUNJO“ d.o.o. Sarajevo sa sjedištem u Sarajevu na adresi Alipašina bb (Bare-Šip) 71000 Sarajevo u predmetnom otvorenom postupku javne nabavke, na iznos procijenjene vrijednosti javne nabavke, odnosno na iznos do 18.000,00 KM bez PDV-a (za vrijeme trajanja Okvirnog sporazuma) i o Odluci obavijesti učesnika predmetnog postupka u skladu sa članom 71. Zakona o javnim nabavkama,

a po konačnosti Odluke i ispunjavanju preduslova iz tenderske dokumentacije imenovanom kvalificiranom ponuđaču dodijeli, u skladu sa članom 32., a u vezi sa članovima 72. i 98. Zakona o javnim nabavkama, Okvirni sporazum u predmetnom postupku javne nabavke na iznos procijenjene vrijednosti javne nabavke, odnosno na iznos do 18.000,00 KM bez PDV-a (za vrijeme trajanja Okvirnog sporazuma), čime bi se u skladu s odredbama člana 69. stav (1) alineja a) Zakona o javnim nabavkama okončao predmetni postupak javne nabavke.

Uvidom u priloženu dokumentaciju nesporno je da je ponuda ponuđača iz člana I i II ove Odluke prihvatljiva u skladu sa kriterijima utvrđenim u tenderskoj dokumentaciji za predmetni postupak javne nabavke na iznos procijenjene vrijednosti javne nabavke, odnosno na iznos do 18.000,00 KM bez PDV-a (za vrijeme trajanja Okvirnog sporazuma), te je kao takva rukovodiocu Ugovornog organa predložena za izbor kao najpovoljnija u skladu s kriterijem za dodjelu ugovora.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom, ponudom i internim aktima.

Iz navedenih razloga primjenom člana 8. stav (2) alineja d) Pravilnika o uspostavljanju i radu Komisije za nabavke i člana 64. stav (1) alineja a) Zakona o javnim nabavkama i člana 4. stav (5) i (7) Uputstva za pripremu modela tenderske dokumentacije i ponuda, a u skladu s članom 70. Zakona o javnim nabavkama rukovodilac Ugovornog organa je donio odluku kao u dispozitivu.

Na osnovu člana 32., a u vezi s članom 72. i 98. Zakona o javnim nabavkama i u vezi sa tačkom 5.10. predmetne tenderske dokumentacije, a po ispunjavanju uslova iz tačke III Odluke Ugovorni organ će ponuđača iz člana I Odluke pozvati radi potpisivanja Okvirnog sporazuma/Ugovora.

Ukoliko ponuđač iz člana I Odluke u određenom roku ne pristupi zaključenju Okvirnog sporazuma, odnosno propusti potpisati Okvirni sporazum o nabavci u roku koji mu je odredio Ugovorni organ ili nastupi drugi uslov definisan članom 72. stav (3) alineja a) do f) Zakona o javnim nabavkama, a u skladu sa odredbama člana 72. stav (3) Zakona o javnim nabavkama Ugovorni organ će dostaviti prijedlog Okvirnog sporazuma onom ponuđaču čija je ponuda po rang-listi odmah nakon ponude najuspješnijeg ponuđača, odnosno postupiti u skladu sa zakonskim propisima koji regulišu oblast javnih nabavki, a što bi u konkretnom slučaju rezultiralo poništenjem (otkazivanjem) predmetnog postupka javne nabavke u skladu s članom 69. stav (3) Zakona o javnim nabavkama obzirom da je u istom učestvovao samo jedan (izabrani) ponuđač.

#### **POUKA O PRAVNOM LIJEKU:**

Na ovaj izbor imate pravo izjaviti žalbu sadržaja definisanog u članu 105. Zakona o javnim nabavkama u roku od 10 (deset) dana od dana prijema ove Odluke, a sve u skladu sa članom 99., 100. i 101. Zakona o javnim nabavkama BiH.

Žalba se izjavljuje Uredu za razmatranje žalbi Bosne i Hercegovine, putem Ugovornog organa u pisanoj formi direktno, elektronskim putem (u slučaju da je elektronsko sredstvo definisano kao način komunikacije u tenderskoj dokumentaciji) ili preporučenom poštanskom pošiljkom na adresu: Husrefa Redžića broj 4., 71000 Sarajevo.

**Dostavljeno:**

- 1. Ponuđaču**
- 2. Računovodstvu SU**
- 3. a/a**

